

湖南府縣志輯

中國地方志集成

乾隆重刊縣志
同治重修縣志(一)



K296.4
10
13

中國地方志集成

湖南府縣志輯 ②⑧

乾隆桂陽縣志

同治桂陽縣志(一)

江蘇古籍出版社●上海書店●巴蜀書社

古者內史掌邦記外史掌四方之記公侯伯子男之國皆立史猶今省郡州邑之各有志志具版圖因事縷書近於紀傳貢於職方以備輶軒之所採擇凡一方之山川形勢戶口土田以及禮樂典章官師人物胥於志乎存之用昭信釋疑旌淑別慝使

序一

凌

蒞斯土者識民情向背之所在而張弛得其施生是邦者知國家政教之所彰而遵循善其俗典至鉅也桂陽宋元以前未有志至明嘉靖二年鄉先達廣州刺史曹桂山琚始創為之其後邑教諭翁繼榮朱經濟陸續纂脩規模畧具獨恠桂陽在楚南

雖屬邊徼自濂溪過化而後流風餘韻至成化弘治間人材號稱特盛何以有元一代將及百年之久勛名科第渺無一二堪傳即名宦貴游亦落落不少概見也蓋書闕有間矣嘉靖而後迄於明季中更兵燹居民遷徙流離志板幾同秦燼未有過而

序二

凌

問焉者入我

國朝康熙甲寅嘉興盛令廣諮博採廼得舊志而重脩之時值滇藩之變軍旅倥傯止求什一於千百故多遺缺康熙辛酉會稽沈令稍為補綴未成完書棗梨之壽幾何蠹蝕鼠侵剥落糢糊大半不可識認至今又將八十

餘年矣倘更復因循竝此殘編
腐簡都歸漸滅文獻無徵職誰
之咎予自壬申初夏抵任後都
人士即以此事前致詞予以事
有急於此者未有以應越二年
政事稍通訟庭多暇紳士申前
請乃進而告之曰志者誌也秉
筆者若承訛踵譌附蔓牽枝則

序三

凌

鄰於妄意見橫出議論翻奇則
涉於誣去取不公緇黃莫辨則
同於枉虫鳴蛙響瑣語詹言則
病於俚有一於茲無以志為矣
紳士幸不河漢余言寸楮片豪
并存矜慎予於校讐之下雖間
附己意要皆達不漏實近不撫
浮錄不緣私遺不受怨務求免

乎前所云四者之譏肇端於甲
戌初夏告竣於乙亥季春爰弁
數言於篇首俾後之覽斯志者
酌情以敦教率典以回風若
宜先圖若者當後慮若者宜觀
法若者當創懲以曉然乎古今
會運升降之由漸復乎昔日聲
名文物之盛或不無小補云爾

序四

凌

乾隆二十年歲次乙亥桐月上
浣之吉知桂陽縣事番禺凌魚
西波題并書

跋一
黃
志與史相爲表裏者也史倣尚書春秋據事直書而褒貶自寓志澹禹貢職方隨地採錄而鉅細兼收義類雖若不同紀載實未嘗迥別也桂陽舊志成於兵燹倉卒之餘撥羅故多遺漏迄於今寒暑屢更即志板亦半歸殘蠹上稽違事每多缺畧不全之憾况

家承平日久厚德深仁淪洽山陬海澨桂之人沐膏澤而咏勤苦者百有餘年矣其間生齒日繁政教聿新與夫科名仕宦懿行嘉言可傳於後以應文治之休者不一而足倘任其蕩歛靡紀將何以彰往而昭來耶邑侯凌滄洲先生下車逾年百廢具舉政通人和慨然滋懼隨以脩輯之事商諸予予曰微公命固將以是請廼進兩序

人士共謀所以成斯舉者咸踴躍如公言公因張筵集紳士授筆札開局於甲戌之麥秋過期而工竣予因歎志殊風尚別貞漓固以昭實錄而寓勸懲然抱拘墟之識則意先行而決擇尠當存調停之說則請托重而紀撰不真即或弊竇悉除而才非淹博校詞俚語猥瑣成篇又不足當輶軒之所採擇甚矣其難也公之爲是書也訪

跋二

黃

求殆遍考核尤精察是非詳真贗汰繁蕪剔冒濫持例具本至公分輯更兼衆智而吉歸雅質調出新裁凡隻義單辭皆退食公餘所殫思剋慮斟酌以求其是者亦云瘁矣夫文章關乎治術習尚感乎氣機桂邑地居楚尾勢最高山峻水清宜其風俗之樸淳人文之炳蔚與湘南諸大邑相埒而是書之成獨遲之七八十年待就公手

宣昔之君子自度操觚匪易不敢漫膺筆
削之任固留以俟後之能者與抑盛舉有
時因是以彰我公刑政之清大啓桂邑文
明之運與予側近先生幸得稍窺編次中
間事有所可疑義有所未協屢承虛懷商
榷不憚反復再三而在局諸君亦皆仰承
恪慎茲當棗梨告畢復囑予不可無言爰
掇數行於簡末以告都人士之閱是志者

跋三

黃

進求公之所以爲心自知載筆之難愈不
敢輕褻而爲之寶貴云

昔

乾隆二十年歲在乙亥季夏月中浣桂陽
縣儒學教諭岳陽黃文理倫齋氏謹跋

跋

桂邑之有志出來舊矣第盛志脩於
康熙之十有一年時兵燹紛乘故多
缺畧又其爲書雜亂蕪穢不足以備
一方之典閱康熙辛酉會稽沈侯績
脩畧爲補綴俚鄙更不足道苟且因
循於今又八十餘年矣夫桂陽之爲
邑聲名文物之美實甲郴郡有明以
前不具論卽自

跋一

周

國初以迄於今人文蔚秀亦往往埒於
他邦顧志經八十餘年弗爲脩錄其
間風氣之變遷人物之興替職官之
賢否以及忠孝節烈之湮沒者可勝
窮耶此實官斯土者之責也然事必

有待而成政非其人不舉人非其類
弗從向之覽斯志者非不知舊志之
不爲完書乃以暫之遭既有不齊意
見所趨復難相強是以議論雖多而
局終莫定壬申春我番禺凌公來蒞
茲土本其學術發爲政治明慎廉平
訟庭多暇慨然於志乘之欠缺無以

跋二

周

徵文獻也謀有以輯之乃集邑士大
夫而告之曰天下者省會之積也省
會者一邑之積也故辨方正位問俗
省風必自一邑始一邑之紀載明然
後天下之事實備今車書大同天下
無不脩之志斯邑獨仍固陋倘採風
使一旦來徵將遺憾於此方矣士大

夫皆應曰諾於是開局給札檄都人
各陳其里閭鉅細事及藝文之有關
於風教者以來申爰取舊志而釐正
之分門別類刪其繁蕪訂其訛舛增
其未有凡八十餘年中見見聞聞之
或因或革或損或益搜求殆盡紀山
川必肖其形述人物必如其面義所
不錄雖百請不回起自甲戌年四月
閱幾逾月而工竣予也風塵末吏不
克贊勸我公謹縷數言於後俾觀者
知功成不易云

時

乾隆二十年歲在乙亥季夏下浣之
吉桐城周願俟齋氏跋

跋三

周

跋

番禺凌公治桂之三年百廢具舉進愚等而詔之曰邑志殘缺剝落甚矣修輯宜亟諸君其有意乎對曰固所願也然而未能夫才學識作史之長清厚勤居官之要志毗於史而權掾於官兼而有之非公莫任也愚輩退休山林閒居養拙以嘲風弄月

跋一

伎倆而司紀載縱有所就亦稗官野乘耳奚取焉公曰余官斯土固責所莫貸但耳目未必能周採訪未必盡確且簿書煩仍時復敗人意諸君生長是邦見聞自真且悉而端居多暇責亦未可盡謝也遂蒙以別館而授之簡愚等既辭弗獲爰與同人將舊志併州省志及他郡縣志詳繙遍閱

折衷於公定厥義例迺勉從事逾年而告

成其間於舊志小有增損與自康熙二十二年以後之事之人皆公之所審定筆削於人有所表彰必求如郭有道之無慙心而不敢獨逞意見徇人情而僂已私竊念先朝邑志創始於桂山曹公踵事於蘇山范公二公文章政事推重一時崇祀鄉賢

跋二

其精神有歷久不磨者愚等於執筆之際公慎共矢儼若二公之靈爽實式臨焉今書既成但求質諸二公而無愧以無負邑侯公慎之雅意焉斯可矣而吾鄉人之知我罪我可勿論也

肯

乾隆乙亥孟秋上浣邑人

朱有斐
宗全跋

補修縣志叙

桂陽據楚南上游重巒疊嶂幽谿邃谷四面環之廣袤三百餘里胥保惠為難民徭錯處嵯岺而穴處者曼衍遼渺不可紀極胥教誨尤匪易所以考地利辨土宜植良鋤莠休養安集酌古準今考鏡得失以資治理者厥惟志是賴邑之有志詎不重哉余無似承乏茲

序一

吳

邑期年以來補偏救敝式靡起衰首稽大禮慎重關防鼎修

萬壽

宮以肅上下之分重建天香樓以嚴捍禦之方靈雨龍宮求諸草莽學校廬舍念切薪樵一切張弛稽古敬典必折衷諸志而志則殘缺已甚蓋自乾隆甲辰歲雨積溪漲冲沒版圖什損四五無人過而問焉者已廿餘年於

序二

吳

茲矣余乃於簿書暇餘鈎考搜索循其次第補其遺亡悉心校讐捐廩給廩分授書史燕恤梓人刻期告竣頒還全書因而宜之與眾共之監於成憲式是古訓用以維風化而資治術胥於是乎在後之作者幸無莞爾嘉慶七年壬戌歲十一月中浣之吉

知桂陽縣事晉陽吳乘時叙

桂陽縣教諭桂林姜義達

桂陽縣訓導碧虛陳佑賢

桂陽縣典史嶺山郭思振

鈔胥禮書葉

凡例 十二則

桂志前凡四修明正統間創始於邑刺史曹桂山
瑞稿成未授梓至嘉靖間教諭翁繼榮朱經濟前
後兩修皆依據曹本斟酌增損以期詳盡兵火之
後蕩然無存矣 國朝康熙十一年邑令盛來初
民舉搜求殘簡修輯甫成復遭吳逆之變鋸板隨
毀至二十二年邑令沈席珍珥鐫補原板而另增
一冊以爲之續前人實費苦心今仍其舊不求變
更以立異而於編次過當處畧爲改訂亦不敢附
會以從同

桂陽縣志

卷之一

凡例

一 卷首既標纂修姓名則全書皆出其手其與事之
人閒以己意爲論說必於尾旁註某人識小字以
別之舊志於每卷小引盡冠以某人曰三字似煩
複欠雅馴今槩刪去

一 凡因仍原本全文者悉註舊志二字於其下其著
有餘論者則首標舊志某人云云今所新增則加
一按字以別之

一 天文地理先後原有定序舊志以星野統入輿地
內殊失倫次增立圖象一綱而以軫宿圖冠之於
義爲當

一 紀載時會不同事實亦異如賦役武備等制今書

懸殊制度特重 本朝賦役既遵照部頒全書武
備則詳查新設營伍纖悉不遺而於先朝舊制且
可從畧然亦不妨附列於後使後人按籍而知原
委焉未必非考時論世之一助也

一 國之大事在祀郡國之祀莫大於春秋二丁舊志
以典祀列入學校志於二丁祭爲宜而社稷山川
壇壝等祭一並闕入又覺非類今別爲典禮志於
學校之後以統諸祀而以慶賀救護迎春耕耨鄉
飲等禮附焉

桂陽縣志

卷之一

凡例

二

一 官斯土者清風善政深入人心應詳載本名之下
以流芳後世必據口碑乃爲實錄其一切去思碑
碣德政歌謠率多獻諛一時槩無取焉

一 選舉首重科甲次及貢選舊志閒有錯誤今遍考
州志省志悉爲改正其由吏胥出身等官舊志殊
多缺畧蓋時值兵燹人民逃散無從稽考故也今
搜集各姓家譜詳辨眞贋特爲採錄

一 人物不拘顯晦其政事文章超邁一時者固應採
錄而隱德懿行家修獨善亦當闡揚然必以日久
論定羣心推服爲當今於耆老好義現存者擇登

一二其餘緊不濫及恐致聯狗屬托有乖公道

一節孝已經題旌及真正苦節而無力上達者悉行

登載至刊版廖親捐生殉節雖乖中正之道亦是

矯勵頑風並得採入

藝文美難盡收擇其有關政治及本地山川景物

者亦數倍於昔蓋邑志之修至今八十餘年文教

日從篇章之富勢使然也其從前奏疏詳文告示

等俱附各卷之後覺散漫無紀今總歸藝文志中

分爲上中下三卷其或於傳記碑序等文中安排

字句暗立公案俱嚴核刪除

桂陽縣志

卷之一 凡例

三

一志既刊成最惡改竄字句增損篇頁茲皆換次聯

編行無空白頁無重列計圖象七頁輿地三十八

頁建置十六頁風土十一頁賦役三十七頁學校

二十四頁典禮十六頁職官二十二頁內宦蹟自

至今成林止

共三十八傳選舉自御華起至顏明憲止共三十

七頁內進士三十五名舉人七十八名薦辟二十

員五百四十八名胥吏一百三十三名武職十名

職贈二十九名義官并孝弟力田壽官醫官共三

十六人物自周騰起至廖女止共五十三頁內實

名忠臣四孝子二十三名義士十三武備

各等進者民各八名列女一百八十八條

宗任送教諭王梅齋序止共八十一頁中卷白爵

思誠濂溪祠記起至顏鼎受思誠堂記止共八十

五頁下卷自朱英勉男守平書起至范秉秀傳

詩止共一百零一頁雜志七頁合計全部共五百

八十七頁舊志共九綱七十六目今詳加增定共

爲綱十三爲目八十有七

桂陽縣志

卷之一 凡例

四

舊志修輯姓氏 康熙十二年

桂陽縣知縣嘉興盛民譽來初甫彙輯

典史大興夏時亨泰徵甫督局

儒學訓導枝江黃鳳羽苞九甫校訂

同輯貢紳周一錦 朱先民

范克翽 何天衢

曾才煥 陳尚簡

朱明遇 曹予慧

朱浩世 袁光陞

鄧嗣禹

桂陽縣志

卷之一 姓氏

分校庠生范克誥 朱俊成

朱克靖 周嗣奇

朱俊虬 范克慧

范秉秀 何遠駒

周源公 袁宗佺

朱明霖 范承清

范承任

舊續志修輯姓氏 康熙二十年

桂陽縣知縣會稽沈 玘席珍甫續輯

儒學訓導永明陳宗舜姚倩甫校訂

同輯貢紳鄧嗣禹 朱俊成

廩生朱克靖 范克慧

鄧長治 范秉秀

朱明霖 范承清

分校廩生袁世瑛 范克襄

何邦琪 朱灝

鄧五章 何益朋

桂陽縣志

卷之一 姓氏

桂陽縣志姓氏

桂陽縣知縣番禺凌 魚寶倫

教諭巴陵黃文理 參閱

訓導鄧縣劉萬瞻

原任廣西貴縣知縣邑人朱有斐 編輯

原任陝西大荔縣知縣邑人李 宗

邑貢生朱俊梅

朱有成

邑庠生何良善 分校

何良鵬

桂陽縣志

卷之一 姓氏

鄧廷斌

朱經營

典史桐城周 願董脩

縣志舊序

明 曹 鼎 邑人

邑志之作所以志是邑之文獻也將使官是邑者知所以脩其政居是邑者知所以事其事故有為於是邑者不必身履其地而亦知所以處之其所繫誠大矣國家化行百五十餘年文事大興凡天下都邑莫不有志海宇文明之盛固足徵也桂陽僻在天南生齒版籍僅足齒於下邑而文獻之美亦往往踴於名邦但其地在五嶺之中世不能無兵革之變而亭故之存未備耳若夫山水之所聚風氣之所鍾則昔人緒論尚有可考蓋桂陽實古郴縣地今亦為郴之屬邑韓子贈郴人之序曰桂陽縣志

衡之南八九百里地益高山益峻水清而益駛則桂陽今日之山水大抵然也又曰清淑之所鬱積必有魁奇忠信材德之民生其間則桂陽今昔諸賢亦實有之邑之為邑如此又安可以無志正統間郡守袁公脩桂陽志邑僅附錄蓋未有特志之者斯亦畧矣今日之志諸可闕乎是故志地理所以別境土之殊也志風俗所以著教化之脩也志公署所以明國體之重也志官制所以列職業之詳也志人物所以見邑產之盛也志食貨所以見民生之休戚也志宮室以昭廢興之迹志方外以警趨向之偏志經畧以審安危之機皆不可畧也志

夫一邑之封域則貌一總圖於前城市之規制則貌一
小國於次又將使觀者因畧而得其詳焉豈敢苟然哉
珞牛是邑有志乎是久矣茲因歸田始僭成之然以一
人之見而創一邑之大典誠有未備後之君子與予同
志續而廣之則是邑文獻之美亦可與大國之聲華相
爲無窮矣

又序

翁繼榮 敬論

桂陽縣志成邑侯南峯楊子以榮執筆從諸君之後當
有文獻之所自章也政教俗尚之所自新也步志古無
桂陽縣志

卷之一 舊序

二

刻也今州守可亭葉先生蒞任首舉乎此文移猥及於
榮他吾閩督學憲副范蘇山子家居未起乃僭諸士
往質之蘇山子曰龍山子昔於余求古三山志之義
知務矣今志之脩其龍山子乎乃屬於榮先是桂山
大夫致仕歸會編次成帙欲刻未果至是其子鄉進
直出以示榮乃得所依據刪繁就簡襲舊成終而
集屬稽古誇今拳拳然補偏救弊之意得諸蘇山子
多惟天下之務周官六典盡之矣因類分六篇復爲
古以收未盡之藝每篇目首皆揭桂山所云榮亦續
愚見一言匪煩贅是悅以義例存焉耳但蕪謏之

雖務爲淺近使夫人易曉又恐不足爲俗尚之激勵則
有負於民不足爲政教之勸戒則有負於官不足以掄
揚文獻之盛矣則有負於鄉士夫三者有一焉斯則榮
之責也已何以志爲榮也觀得免於斯責焉已爾蓋天
下之勢其所由來罔不有漸文獻之不可無徵也政教
之不可不脩也俗尚之不可不端也獨桂陽哉曷不乘
其所趨先時而力挽之未有能回之者矣是以不揣固
陋輒敢附數語於末云

又序

區制盛民譽 知縣

志何助乎助於夏書畫九區以制貢則三壤以定賦是
桂陽縣志

卷之一 舊序

三

也助於周禮司徒立法以辨土宜職方掌圖以知利害
是也古者 國有一國之志太史采風以觀土俗之美
惡以考政治之得失率於此取焉今今天下十五國而
計之楚地最大洞庭介其間湖之南爲郡若州者九惟
郴在極南最高之地所轄邑五桂陽居一焉然則志楚
而望在其中矣志郴而桂在其中矣楚有全志郴有專
志桂奚志焉曰非然也惟楚與郴皆有志而村愈不可
以無志也夫郴居楚之上游凡隸於郴者大抵皆邊徼
距寒荒僻之邑耳而桂則襟帶粵東咽喉江右蠻蠻
獠貊偏處此崇山峻嶺幽豁深谷土地異宜民生其間

者則且被兵日外土著流亡而異鄉之民錯雜乎
一爲史者撫此千遺其疾苦有不勝問者方今 國運
恬熙維休政生聚足圖爲 朝廷守土牧民四境之內
猶一家也若者宜先若者宜後其設施之輕重大第必
周知而熟察焉舍志何以考之民譽承乏待罪茲邑已
歷五載足跡所經山川幾遍矣心口所存俗宜利弊矣
茲當承平之會土宇版章職守繫之其何敢不按圖以
獻稟

威於咫尺乎是志也編始封域而星野繫之觀天察地
重所守也臨民出治必先定其規模故繼之以營建有

桂陽縣志

卷之一 舊序

土有民則惟正之供國計所關故繼之以賦役教不行
無以正人倫而勵風俗故學校與風土相次而志之守
斯土撫斯民王臣寔寔所最重也則志職官人才之生
繫乎國運不可少也則志選舉名德之彥實爲地靈不
易得也則志人物封疆險隘弗思固吾圉乎則志武備
由是而人物風華亦彬彬可觀矣故以藝文終焉計其
類凡十焉卷六志止矣非云記載既詳亦得其厯畧云
爾若大猷貫條綱與起教化成厥大觀請以俟後之君
子

又序

沈 澍 題

余忝茲 於今三年矣時值軍務叢集百責交奉疊
疊勞早憂歲繼之日夕焦勞幾無寧晷思圖仰名上命
倘學民情向不可得遑及文事以爲吏治重今

聖天子

子加意文

後勅令詞林纂脩信史昭示天下萬世以光

一代隆興故凡御官野史邑乘遺文之所必採而收也
桂陽縣屬邑而風土人物夙有成書任其廢闕則司
牧之責也前任盛君來初遍集殘簡廣搜遺碑村志既
已輯成余閱志中先後纂脩字義少舛訪之故老皆
云前刻遺漏間有未備復遭兵燹毀壞余是以不揣庸
陋妄爲續補捐貲覓梓庀材公所集我同志紳士各竭
心力割落者新之廢失者補之原刻仍前續刊附後類
曰續志示不專也後有賢達繼起增廣而脩明之庶幾
爲合衆 助云

桂陽縣志

卷之一 舊序

五

文序

范克憲 題

邑之有志會國之有史也志以傳信不傳疑會國之有
信史也史之有信者莫如漢漢制出爲民牧然後入
爲臺省蓋以縣令與民最親民間之風謠既悉無不可
以上告天子哉桂自

國朝以來縣志復邑之風謠茂有難供輶軒之採者我
侯也公來自會稽蒞政三載而化行俗善歲辛酉我侯

覽柱之風土人物視前加進爰慨然曰是不可不取前

志重訂而志之云何凡於其疑者闕之微者闕之

其者彰之字書外紀者改正之而已夫當師行何惡之

日類有急備科而不還撫字急撫字而不還東集以示

風者其侯節陳四知刑清政簡俸裁耗草澹且勉力

山雲其時賦事柱何幸而侯之春風風人春月雨人

有者此也用是體纂脩之意爲之共襄厥成不以應境

增其所本無不以世遠逸其所本有披圖考校之餘宛

然見我侯之才之德直與班馬姚宋相後先焉又寧僅

出爲民教入爲臺省已哉

桂陽縣志

卷之一

諸序

六

續志跋

朱俊成

邑貢

今

御極之十年我邑沈侯於政務繁劇之下復脩縣志

誠盛舉也先是來朝盛侯令茲土慨邑乘無成書經數

年心手抹舊志於殘編訪遺文於散佚纂輯而釐定之

分別門類燦然可觀乙卯春值游兵蟻屯前所藏之板

又復毀落越六年沈侯仍盛侯之舊拾遺補闕綴以未

備志之脩明較前倍詳大古者王朝列國之史皆謂之

志周官小史外史掌邦國四方之志是也國史志各圖

山川景物都鄙廬舍兵旅伍兩財賦器用而大者在文

章行誼風流俗尚故志郡邑者亦如之於以贊風土考

政治寓勸懲也吾邑藉兩侯先後之力以成斯志將使

覽斯志者以爲山川猶是景物猶是都鄙廬舍猶是兵

旅伍兩財賦器用亦猶是而文章行誼風流俗尚不無

異同之感焉或亦慨然而思返乎是一邑之志卽一邑

之史也謹跋

又跋

鄧長治

邑志殘缺久矣補序之功賴有成始者尤賴有成終者

自癸丑歲盛侯博訪遺文纂輯成書百餘年之典籍重

新其有裨吾邑豈淺哉尋值逆寇叢集滄桑之變又

桂陽縣志

卷之一 舊跋

七

不可言丁巳頻驚風鶴戊午游至饑饉斗米千錢十室

九空凡郊岡澗谷草木之稍可療饑者靡不採而食之

謀計不遑致使志之板帙藏之白石巖洞燥濕不時困

多則壞幸王師掃蕩玉石攸分我沈侯加意捐循邑

稍寧盛侯於簿書之餘披閱邑志喜其燁灰復煥爛其

壁藏本全辛酉春捐貲覓梓命我同儕共相補續時以

梓人連上聞有忌諱字義未悉滌除原板之刊而腐者

今則竄且竄矣我沈侯倦倦文事意期備美雖值解組

之會不替補續之勤復出貲屬范子克慧集阮於思誠

堂中將三十餘已壞之板更之二千餘忌諱之字剔之

命臣泰互考訂同勤乃事歷數月而告竣是書也惟感
侯克成厥始惟沈侯克成厥終觀此而知凡事之終始
笑備洵非偶與

杜陽縣志目錄

卷一

圖象志

軫宿圖

四境圖

縣城圖

縣治圖

學宮圖

卷二

輿地志

沿革

疆界

山川

鄉團

街市

墟市

官山

衙附

蒲澤園

官田

卷三

杜陽縣志

卷之一

目錄

建置志

城池

縣署

倉儲

舖遞

橋渡

坊表

卷四

風土志

風俗

氣候

物產

古蹟

卷五

賦役志

田賦

戶口

起運

存留

諸課

卷六